



UNIVERSITÄTS-
BIBLIOTHEK
PADERBORN

Universitätsbibliothek Paderborn

R. P. Ludovici Richeomi Societatis Ies. Valedictio Animæ Deuotæ

Richeome, Louis

Coloniæ, 1610

De similitudine Dei ad quam homo accedit. Colloq. XLI.

[urn:nbn:de:hbz:466:1-50753](https://nbn-resolving.org/urn:nbn:de:hbz:466:1-50753)

De similitudine Dei, ad quam homo accedit.

COLLOQVIUM XLI.

THEO.

*Supra-
dicti.*

VERVM annectitur huic, quod homo ad similitudinem Dei factus fuerit, id est, quod anima illa habeat, aut habere possit aliam adhuc à priore perfectionem & ornamentum diuinitatis. Ad quem omnino locū veteres Patres aiunt, similitudinem istam fuisse Iustitiam originalem, quam præter Dei imaginem instructi, Adam & Eua similitudinem quandam perfectionum suarum habebant, & virtute indies in bono maiores progressus facendi pollebant: hac verò postea peccatum sublata atque extincta tam in ijs quam in vniuersa posteritate, fuisse gratiam diuinam, & rectum facultatum dictarum vsum, quo homo illud consequi & effectum dare potest, vt dum adhuc in viuis est, Dominum suum quam pressissimè imitetur, ad illius similitudinem magis magisque accedat, & hac ita ratione eò euadat.

vt in

ut in cælo etiam illius gloriam re-
 ferat & consequatur. Quibus adeo
 factum est, tres ut in homine imagi- *Tres di-*
 nes constituerint: primam, quam *uina ima-*
 naturæ appellabant, & tribus illis *gines in*
 potentijs supradictis adumbrari af- *homine.*
 ferebant, ac bonis & flagitiosis com- *S. Thom.*
 munem esse contendebant: secun- *1. q. 93. a.*
 dam gratiæ nomine afficiebant, *40. art.*
 quod eam iustis tantum impres- *9. 3. m.*
 sam aiebant: tertiam gloriæ esse vo-
 lebant, quæ tantum ijs conuenit,
 quos merita sua in cælo collocaue-
 runt. Ex tribus admodum istis ex-
 tremæ duæ similitudinis hoc voca-
 bulo comprehensæ sunt, faciunt e-
 nim planè eo quo supra dixim^o mo-
 do, ut is cui insunt, Deo quam maxi-
 mè similis esse videatur. Cain pri-
 mæ possidebat, secundam non habe-
 bat, gratiâ Dei puta, quæ sola primam
 perficit atq; absoluit. Abutès .n. do-
 nis & facultatib^o, quæ in animam cõ-
 gesta erāt, Intellectu videlicet, Vo-
 luntate & Memoria, planè ut cæteri
 oēs peccatores, cū insigni iniuria sui
 creatoris, imaginem diaboli sibi im- *1. Ioan. 3.*
 pressit, ac merito à S. Ioan. malignus *12.*

Mat. 23. audire meruit & appellari. Abel ve-
35. rò propter animæ naturalia dona,
Luc. 11. effigiem Dei circumferebat, & ve-
51. ro ad similitudinem illius accede-
Heb. 11. bat: quia gratia diuina non desti-
4. tuebatur, & munera naturalia & su-
 pernaturalia in se congesta rectè ad-
 hibens indies seipso perfectior effi-
 ciebatur. Nunc autem glorificata a-
 nima tertiam quoque imaginem
1. Ioan. 3. præ se fert, quæ gloriæ diuinæ simi-
2. litudo illa est, de qua Apostolus ait.
 Similes Deo efficiemur, quia cum
 visuri sumus sicut est.

*Quomodo homo quam maximè simi-
lem se Deo facere possit.*

COLLOQVIUM XLII.

PHILO. **P**ATET nunc itaque hominem
 in anima sua per tres istas fa-
 cultates, imaginem sui crea-
 toris circumferre, & rectè legitime-
 que eas adhibendo & virtutibus in-
 cumbendo illud effectum dare, vt
 quam maximè ad conditoris sui si-
 militudinem accedat. Nam dum In-
 tellectum, Memoriam ac Volunta-
 tem